

Thók-chiá Tâu-su

From *Ông Siok-iông*

2000 nî 3 gòeh tī Ko-hiông chhī kú-pān ê “Tē 6 kài Sè-kài Tân-gí bûn-hòa-iâⁿ”, góa chhōa hit chūn tng-teh thák kok-tiong 3 nî ê cha-bó kiáⁿ khì chham-ka, ūi beh chhin-kín bó-gí, thiaⁿ bó-gí ê siaⁿ-sàu kap bó-gí ê súi.

Chóng-sī ka-kī liân seng-ōah iōng-gí tō kóng bē liän-tng, koh-khah bián-kóng chai-bat kúi ê iu-ngá ê Tân-gí iōng-sû. Ū-sî gín-á chiâⁿ bē-giàn kóng/ōh ê bīn-chhiuⁿ hō góa khòaⁿ chit ê kha-sng chhiú-níng, sim-koáⁿ thâu mā chiok kan-khó. M̄-koh góa iáu-sī bē sí-sim. Chai-iáⁿ ka-kī bó-gí kóng kah put-tat put-chhit(lóng-sī Hôa-gí lâm Hō-ló ōe án-ne), tō kian-sim kiû chìn-pō. Bé Tân-bûn chheh lâi thák, kap **Tân-bûn Bóng-pò**(TBBP) Cháp-chì-siā khai-sí ū chiap-chhiok, tak kî thák **Tân-bûn Thong-sìn**(TBTS) kap TBBP. Sòa--lôh góan chham-ka thák-chheh-hōe. Bô jōa-kú tō tui A-Hūi(Pian-chiá chù-kái, Tân Hong-hūi) lāu-su óh Tân-ôan Lô-má-jī thák/siá, chin-kín “ē-hiáu kóng tiōh é-hiáu siá!” Góan ke chin ū sìn-sim.

Chū án-ne piàⁿ-sí liām thák **Tâiôanjī** Cháp-chì. Lāi-té chē-chē siá liáu chin chán ê bûn-chiuⁿ, jīn-chin thák, thák chhut-siaⁿ, koh chài thák!

Bú-á-kiáⁿ chhiâng-châi iōng Tân-ôan-jī siá jī-chóa. Góa siá ê tē 1 tiuⁿ jī-chóa, “Lí poe-á khng tī chia sī beh chhī ka-chòah sī--m̄?” Kúi-kang āu, góa siu tiōh chit hāng lé-bùt, chocolate, téng-bīn koh kah jī-chóa siá kóng, “ Chiâh khòaⁿ māi--leh.”

Sui-bóng siá-liáu ū m̄-tiōh, m̄-koh sim-lâi ū-kàu hoaⁿ-hí--leh. Iōng bó-gí kau-tâm í-keng chiâⁿ-chó gún seng-ōah kòan-sì, m̄-nā sī án-ne, góa kám-kak su-khó ke-chin hōat-phoat, kám-chêng mā ke-chin chhin-bit.

“Cheng-bit” kap “Khui-khoah” sī Tân-ôan-jī hō góa ê khé-sī. Su-khó jú chheng-chhó, chò tāi-chì mā ke khah chim-chiok. Ùi “ Jīn-lūi ê gí-giân sī tē-kiû ê chu-gôan” chit ê sè-kài-koan lâi khòaⁿ, tī Tân-ôan chit tè tó-sû, lán ài hō bó-gí chhut-thâu-thiⁿ(m̄-sī biát-bông--khì), lán ê kiáⁿ-sun chiah ū chun-giâm.